

Siunnersuummut nassuiaatit

Nassuiaatit nalinginnaasut

1. Aallaqqaasiut

Nunaoil A/S-imut siunertaavoq ikummatissiassanut akuersissutini kiisalu Kalaallit Nunaanni aamma Kalaallit Nunaata avataani suliassani tamatumunnga atatillugu pissusissamisoortutut inissisimasuni Namminersorlutik Oqartussat peqataanerisa isumagineqarnissaa, takuuk Nunaoil A/S pillugu Inatsisartut inatsisaanni § 1.

Naalackersuisut ulloq 24. juni 2021 aalajangerput Grønlandshavet-imi sumiiffinnut ikummatissiassanut akuersissutinik tunineqarnissamik qinnuteqaateqaqqusinissaq (neqeroortitsineq) maannamuugallartoq kinguartinneqassasoq.

Taamaalilluni ikummatissiassanik misissuinissamut qalluinissamullu akuersissutinik nutaanik tunniussisoqartussaangimmat, ingerlatseqatigiiffiup ikummatissiassanut akuersissutini peqataanissamik siunertaqartup attatiinnarnissaanut tunngavissaaruppoq.

Nunaoil A/S siusinnerusukkut akiliunneqarluni suleqataasutut ikummatissiassanut akuersissutini peqataasarpog (aningaasaliinissamik pisussaaffeqarani piginneqataalluni), kisianni taamaattoq maannakkorpiaq akuersissutini ingerlatsivigineqartuni peqataanani.

Nunaoil A/S pillugu Inatsisartut inatsisaata atorunnaarsinneqarnerata kingunerisaanik Nunaoil A/S ingerlatseqatigiiffiup malittarisassaanni siunertamut aalajangersakkap allanngortinnissaanut periarfissaqalissaaq, taamaalilluni ingerlatseqatigiiffiup ingerlataqarnerni ikummatissiassanut akuersissutinut toqqaannartumik atassuteqaqngitsuni suleqataasinnaanissaa periarfissiissutigineqassalluni.

2. Siunnersuummi immikkoortut pingaarnerit

Siunnersuutigineqarpoq Nunaoil A/S pillugu Inatsisartut inatsisaat nr. 15, 7. december 2009-meersoq atorunnaarsinneqassasoq, aammalu atorunnaarsitsineq Inatsisartut inatsisaata atuutilernerata nalunaarutigineqarnerata aqaguani atuutilissasoq.

Nunaoil A/S pillugu Inatsisartut inatsisaat nr. 15, 7. december 2009-meersoq ingerlatseqatigiiffimmut arlalinnik piunasaqaatinik imaqarpoq, taakkulu inatsisip atorunnaarsinneratigut inatsimmik tunngaveqarunnaartussaapput. Piunasaqaatit ilaatigut pissutsinut makkununnga tunngapput:

- Siulersuisut tamarmiullutik ikummatissiassanik misissuinissamut qalluinissamullu tunngasunik inatsisilerinikkut, aningaasaqarnikkut, kiisalu inuussutissarsiummut tunngasunik pissutit pillugit qaffasissumik inissisimasumik uppernarsaasigaasunik sulianut tunngasunik sinniisuussapput.

- Siulersuisuni ilaasortat Inatsisartuni imaluunniit Naalakkersuisuni ilaasortaasussaangillat.
- Siulersuisuni ilaasortat akiliisinnaajunnaarnermik atugaqassangillat / pineqartup piukkunnaateqarunnaarnermik iliuuseqarsimassangillat / sivilunerusumik nappaateqarneq imaluunniit allatut sapigaqalersimaneq pissutigalugu ingerlatsivissamik isumaginissinnaajunnaarsimassangillat / erseqqissumik naleqquttuunnginnerat takuneqarsinnaasimassaaq.
- Pisortatut taamaallaat inuit akileraartarnermik inatsisaasunik peqqarniinnerusumik unioqquitaqartutut eqqartuussaasimanngitsut, imaluunniit aningaasalerinermik pinerluttulerineq imaluunniit nakuuserneq pillugit pinerluttulerinermut inatsimmi aalajangersakkanik unioqquitaqarnermik eqqartuussaasimanngitsut atorfinitsinneqarsinnaapput. Ilassutigalugit sulianut tunngasuni qaffasissumik inissisimaffilimmi najoqqutassialikkatut piginnaasat uppersaateqarfigisat piumasarineqarput.
- Ingerlatseqatigiiffik Naalakkersuisut aqutugalugit inuiaqatigiinnut tunngasunut annertuumik pingaarutilinnik, imaluunniit ingerlatseqatigiiffiup suliarisaata aaqqissuussaanerani annertuumik allannguutinik nassataqartitsisut pillugit Inatsisartuni ataatsimiititaliamik ilisimatissassaaq.
- Ingerlatseqatigiiffiup ukiumoortumik nalunaarusiai, kiisalu ingerlatseqatigiiffiup suliaanut aamma pilersaarutigisatut suliassaanut ukiumoortumik nalunaarusiaq, ingerlatseqatigiiffimmik aqutsilluarnissamut ingerlatseqatigiiffiup politikkaa pillugu paasissutissat ilanngullugit Naalakkersuisut aqutugalugit ukiut tamaasa Inatsisartuni ataatsimiititaliamut nassiunneqartassapput.

Inatsit tamakkiisumik atorunnaarsissasoq siunnersuutigineqarpoq, taamaalilluni inatsisit allat malillugit atuuttut saniatigut najoqqutassialikkatut piumasaqaatinik sianiginnittariaqarani siunertap allanngortinnera paasillugu tulluarnepaatut isigineqartumik iluserisamik ingerlatseqatigiiffiup ineriartortinnissaanut periarfissaqartoqalissammat. Siuliani piumasaqaatit eqqaaneqartut arlallit pinngitsoornani ingerlatseqatigiiffimmik isumannaatsumik ingerlatsinerup pissusissamisoortumik ilaasutut malittarineqassasut oqaatigineqassaaq.

3. Pisortanut aningaasaqarnikkut allaffissornikkullu sunniutaasussat
Siunnersuut pisortanut aningaasaqarnikkut allaffissornikkullu sunniuteqassanganneqanngilaq.

4. Inuussutissarsiortunut aningaasaqarnikkut allaffissornikkullu sunniutaasussat
Siunnersuut inuussutissarsiortunut aningaasaqarnikkut allaffissornikkullu sunniuteqassanganneqanngilaq.

5. Avatangiisinut, pinngortitamut inuillu peqqissusaannut sunniutaasussat
Siunnersuut avatangiisinut, pinngortitamut inuillu peqqissusaannut sunniuteqassangatinneqanngilaq.

6. Innuttaasunut sunniutaasussat
Siunnersuut innuttaasunut aningaasaqarnikkut sunniuteqassangatinneqanngilaq.

7. Sunniutaasussat annertuut allat
Siunnersuut allanik annertuunik sunniuteqassangatinneqanngilaq.

8. Oqartussanut kattuffinnut ilaalu ilanngullugit tusarniaaneq
Siunnersuut piffissami 5. juuli 2022-mit 26. juuli 2022-mut Naalakkersuisut tusarniaassutitut nittartagaanni, www.naalakkersuisut.gl-imi tamanut saqqummiunneqarsimavoq.

Aatsitassanut Naalakkersuisoqarfiup pisortanit, kattuffinnit suliffinnillu tusarniaanermut akissutit makku pissarsiarisimavai:

Sulisitsisut.

Oqaasertalersukkatut tusarniaanermut ataatsimut takussutissiaq, ilanngussatut kakkiunneqartoq innersuutigineqarpoq.

Siunnersuummi aalajangersakkanut ataasiakkaanut nassuiaatit

§ 1-imut

Nunaoil A/S pillugu Inatsisartut inatsisaat nr. 15, 7. december 2009-meersoq, Inatsisartut inatsisaanni nr. 16, 8. juni 2017-meersukkut allangortinneqartoq, atorunnaarsinneqassasoq siunnersuutigineqarpoq.

§ 2-mut

Imm. 1-imut

Inatsisartut inatsisaat inatsisip atuutilernerata nalunaarutigineqarnerata aqaguani atuutilissasoq siunnersuutigineqarpoq.

Imm. 2-mut

Ingerlatseqatigiiffik pillugu immikkut inatsisaasup atorunnaarsinnerata kingunerisaatut Nunaoil A/S taamaallaat aktianik piginneqatigiiffiit pillugit nalinginnaasumik inatsisini ilaalersussaassasoq aalajangersakkami aalajangiunneqarpoq. Tamatuma kingornatigut ingerlatseqatigiiffiup malittarisassai allangortinneqarsinnaalissapput, ilanngullugu malittarisassianik allangortitsinerit pillugit aktianik piginneqatigiiffinnut malittarisassiat atuuttut malillugit ingerlatseqatigiiffiup aqqanik siunertaanillu allangortitsisinnaaneq.

Tusarniaanermut allakkiaq

Tamanut ammasumik tusarniaaneq

Inatsisissatut siunnersuummut allaqqaagaq piffissami 5. juuli 2022-mit 26. juuli 2022-mut tamanut ammasumik tusarniaassutaasimavoq.

Aatsitassanut Naalackersuisoqarfiup pisortanit, kattuffinnit suliffinnillu tusarniaanermut akissutit makku pissarsiarisimavai:

Sulisitsisut.

Siunnersuummut Sulisitsisut oqaaseqaateqanngillat.